



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Bracaren. Archiepiscopo.

urn:nbn:de:hbz:466:1-20006

428 Epistolarum Innocentij III.

tensis Concilij tantum hi quatuor inveniantur inter Episcopos Gallæciae nominati, sicut dicitur in secundo Concilio Bracarensi, patet quod de his quatuor debet intelligi quod ad nomen provinciæ sunt reducti; quia non possunt intelligi fuisse reducti, nisi qui fuerunt abducti. Vnde facta reductione in tertio Concilio Bracarensi, quod secutum est Emeritense Concilium, nullum istorum quatuor legitur extitisse. Postquam igitur hæc & alia fuerunt utrinque prudenter ac subtiliter allegata, quorum multa propter prolixitatem superflua in hac pagina prætermisimus annotare, partes ad amicabilem compositionem induxi mus diligenter: quæ tandem per Dei gratiam, nostra sollicitudine mediante, ad hanc compositionis formam libera voluntate venerunt, ut de quatuor prædictis episcopatibus duo assignarentur Compostellan. metropoli, & duo relinquerentur metropoli Bracarensi. Nos autem habito super hoc cum fratribus nostris diligenti tractatu, compositionem ipsam duximus approbandam, intelligentes eam æquitati canonicae concordare. Cùm enim Vilensis Episcopus cum Episcopis Gallæciae interfuerit secundo Concilio Bracarensi, & Emeritensi Concilio non affuerit, in quo plenus suffraganeorum numerus Emeritensis metropolis legitur affuisse, (unde nec potest unus de reductis intelligi, cùm etiam inter alios suffraganeos Bracarensis Ecclesiæ in suis privilegijs numeretur, in privilegijs autem Compostellan. Ecclesiæ Vilensis Episcopus nullatenus habeatur) sæpedictum Archiepiscopum Bracarensim nomine Bracarensis Ecclesiæ ab impetitione tua, nomine Compostellanæ Ecclesiæ, super eodem episcopatu duximus absolvendum; tibi super hoc perpetuum silentium imponentes. Lamecensem autem & Egitaniensem episcopatus, quos ad Emeritensem pertinuisse metropolim certis didicimus rationibus & validis argumentis, de consilio fratrum nostrorum adjudicavimus Compostellanæ metropoli, ipsum Bracarensim Archiepiscopum super illis nomine Bracarensis Ecclesiæ condemnantes. Episcopatum autem Colim briensem, licet eisdem rationibus cognoverimus ad Emeritam spectavisse, quia tamen Irensis episcopatus auctoritate sedis apostolica subtractus est ec-

clesiæ Bracarensi, & sede mutata, pro beati Iabobi reverentia totus concessus est Compostellæ, in recompensationem ipsi Archiepiscopo & Ecclesiæ Bracarensi concessimus perpetuò retinendum. In tantum autem illa forma compositionis tibi complacuit, quod pro bono pacis liti cessisti, & petitioni renuntiavisti omnino, super duabus Ecclesijs, videlicet sancti Fructuosi, & sancti Victoris, & medietate Bracare cum pertinentijs suis omnibus, de quibus cum alijs fuit facta commissio, refutans quicquid juris in illis habuisti vel potuisti habere, renuntians quoque sententiæ quæ super eis pro Compostellana Ecclesia contra Bracarensim fuerat promulgata, super qua coram nobis aliquandiu fuerat litigatum. Nulli ergo &c. diffinitionis, absolutionis, & concessionis &c. Datum Laterani.

In eundem ferè modum scriptum est Bracaren. Archiepiscopo.

BRACAREN. ARCHIEPISCOPO.

Epist. 114.
Ejusdem v.
gantuci. Valiter veteres sed non in veteratas usque ad nostra tempora quæstiones inter Compostellanam & tuam Ecclesiæ tam prædecessorum nostrorum quam nostris etiam temporibus diutiùs agitatas non sine multa sollicitudine ac labore nos & fratres nostri exacta diligentia curaverimus terminare, tua fraternitas, quæ omnibus præsentialiter interfuit, non ignorat, & hoc ipsum ex scriptis apostolicis rei processum plenius continentibus liquidò declaratur. Volentes autem ut apostolica sedis sententiæ perpetuam obtineant firmatam, & quod lites extinctæ in recidivam contentionem ulteriùs non resurgent, fraternitati tuæ per apostolica scripta mandamus quatenus statutis apostolicae sedis obediens humiliter & devotè, quæ à nobis ad perpetuam pacem prædictarum Ecclesiæ sunt sine persona rum acceptione salubriter instituta, de cetero studeas irrefragabiliter observare, venerabiles fratres nostros Vlixbonensem, Elborensem, & Lamecensem Episcopos, & eorum Ecclesiæ, & dilectos filios Clerum ac populum per Egitaniensem diocesim constitutos, Compostellano Archiepiscopo & ejus Ecclesiæ, sicut à nobis est ordinatum, obedire sine qualibet difficultate dimittens, quos tu & venerabilis frater noster Colim-

briensis Episcopus in nostra & fratum nostrorum praesentia, sicut bene novisti, ab obedientiae vestra vinculo absolvisti, & nos eosdem à vestra obedientiae debito auctoritate apostolica reddimus absolutos. Provideas igitur ne per potentiam regiam vel alia qualibet machinatione impedianter Episcopi memorati & praedicti Clerus & populi obedientiam secundum sententiam & praeceptum nostrum eidem Compostellano Archiepiscopo, ut praediximus, exhibere. Alioquin quod à sancta recordationis Alexandro Papa praedecessore nostro de obedientia Compostellano Archiepiscopo ab Episcopis Gallacizæ impendenda dignoscitur olim fuisse statutum, verendum est tibi ne nos ipsi ratum habeamus & firmum, & faciamus auctore Domino inviolabiliter observari, tantòque culpam inobedientiae curabimus gravius castigare, quantò in contemptum apostolice sedis & personæ nostræ specialiter hujusmodi rebellio amplius redundaret. Datum Laterani IIII. Idus Iulij.

In eundem modum scriptum est Colimbris. Episcopo.

V LIXBONENSI, ELBORENSI,
& Lamecensi Episcopis, & Clero &
populo Egitaniensi.

Epid. 135.
Decadent. 1c.

Antiquas controversias & difficiles inter Compostellanam & Bracarensem Ecclesias tam praedecessorum nostrorum quam nostris etiam temporibus agitatas, sicut vestra fraternitas non ignorat, non sine labore multo nos & fratres nostri exacta diligentia per auxilium divinæ gratiæ curavimus terminare; quemadmodum in rescriptis apostolicis processum caussarum pleniū continentibus perpendere poteritis evidenter. Volentes autem ut apostolicae sedis &c. usque ad verbum observare, venerabili fratri nostro P. Compostellano Archiepiscopo ejusque successoribus tanquam Metropolitano vestro, sicut alij suffraganei sui faciunt, obedientiam & reverentiam debitam impendentes. Alioquin sententiam quam idem Archiepiscopus in vos rationabiliter tulerit, auctore Domino ratam & firmam habebimus & faciemus inviolabiliter observari. Ut autem quæ præmisimus liberiùs adimplere possitis, venerabiles fratres nostri Bracarensis Archiepiscopus & Episcopus

Colimbris vos coram nobis & fratribus nostris ab omni obedientiæ sua vinculo absolverunt. Nos etiam ab ipsorum obedientiæ debito auctoritate apostolica vos reddimus absolutos. Datum Laterani IIII. Idus Iulij.

Scriptum est super hoc singulariter singulis nominatis Episcopis, & Clero & populo per eorum dioceses constitutis.

LVCENSI, ASTORICENSI,
Mindoniensi, Aurensi, & Tudensi
Episcopis.

Antiquas controversias &c. usque ad verbum refurgent, fraternitati vestra per apostolica scripta præcipiendo mandamus quatenus apud venerabilem fratrem nostrum Archiepiscopum Bracaren. & chariss. in Christo filium nostrum Portugal. Regem illustrem partes vestras efficaciter interponere proceris ut statutis ap. se. &c. usque ad verbum observare, venerabiles fratres nostros Vlixbonensem, Elboensem, & Lamecen. Episcopos & eorum Ecclesiæ &c. ferè in eundem modum ut supra usque ad verbum dimittentes. Alioquin quod à sancta recordationis Alexandro Papa &c. ferè ut supra usque ad verbum redundaret. Et quoniam nuncius, ut acceperimus, non facilè reperitur, qui litteras apostolicas vel Compostellani Archiepiscopi audeat super his in regnum Portugalen. deferre, sub eadem districione vobis injungimus ut litteras nostras & ipsius Archiepiscopi Compostellani, quibus super hoc missæ fuerint, occasione & excusatione cessante, sine dilatione qualibet tamdiu fideliter transmittatis, cùm ab eodem Compostellano simul omnes vel seorsum singuli fueritis requisiiti, donec idem Archiepiscopus praedicatorum quatuor episcopatum possessionem pacificam fuerit asseditus. Si vero, quod non credimus, præceptum nostrum non fuerit adimpletum, volumus & mandamus ut cùm fueritis per Compostellanam Ecclesiam requisiiti, veritatem super his nobis significare vestris litteris procuretis. Datum ut supra.

ARCHIEPISCOPO ET CAPITVLO
Compostellano.

CVM dilectus filius A. civis Anagninus tutor & curator nepotum suorum, filiorum quondam G. civis Anagni H h iij

Epid. 136.

Epid. 137.